

SANITÉ: La doturia Grete Mahlknecht é demez dai 23 cina ai 29 de jügn. Ara vëgn sostituida dal dotur Eduard Agreiter 333 13 80 852.

COMUN: Cina ai 4 de setëmbër 2022 jarál vigni ora na coriera da Picolin sön Börz; la pröma pëia ia da Picolin (staziun lift) dales 8.08, la secunda dales 8.38 y spo vigni ora cina les 16.38; jö pert vëgnera dales 8.50, 9.50 y.i.i. La coriera stará chita pro vigni fermada sc'al é zacai.

PLOANIES SAN MARTIN Y LUNGIARÜ

En domënia, ai 26 de jügn, é dales 16.00 a La Val sö Dlijia Vedla, l'inaudaziun dl labirint cun Gernot Candolini y siur degan Iaco Willeit. La festa vëgn abelida da n trio de archëc y da n pice teater. Düc é dër bel invia, ince da bur tēmp!

Invit a düc i geniturs che á n/a pice/a möt/a da batié, pers che aspeta, toc y totes ala preparaziun dl bato en sabeda, ai 9 de messé, dales 15.00 ales 17.00, tl salf de colonia, a Corvara. I stlujarun jö ston ciamó n pü adöm cun renfrësch arjigné dales ères da Calfosch; a d'ères n bel dilan! Prenotaziuns 328 07 17 796.

SAN MARTIN

Incö é düc bel invia ala festa dl Cör de Gejú: al'adoraziun, ala mësä solëna y ala prozesciun eucaristica. L'ordin dla prozesciun ciafëise tl'ultima plata.

LUNGIARÜ

En la festa dles Antlës unse podü ti fá na bela festa ai iubilars cun la prozesciun eucaristica solëna, y chësc por mirit de tröpes porsones che á porté pro a val' manira che la festa garetës. Dilan a siur Heinrich y ince a düc chi che á porté, ala musiga y al cor. A düc de cör en bel dilan!

La Ciasa de Palsa chir personal da daidé fora te deplü reparc: ciasadafüch, salf di pasc, puzenë, lavandaria. Al é la poscibilitë da daidé ma te un n repart o ince te deplü. Le debojëgn é sëgn por l'isté cun la poscibilitë da arlungé le raport de laur ince do l'isté. Info: valentin.erlacher@ciasadepalsa.it o 0474-524786.

La Crusc Blanca d'Al Plan invieia düc i interessá al 01 de messé, dales 20.00, tl salf dla Cassa Raiffeisen a Al Plan, a na sëra d'informaziun sura le laur di voluntars pro la Crusc Blanca te vigni setur. I essun dër ion sc'i podessun nen saludé tröc. Ví ince tö, tölete n/na compagn/a cun te y diventede voluntars.

Döt le bun a chi che complësc i agn de messé

a San Martin Pire Vanzì che nen complësc 90 ai 3
Giovanni Rubatscher che nen complësc 81 ai 7
Lena Palfrader Trebo che nen complësc 85 ai 21
Notburga Dapunt Clara che nen complësc 85 ai 21
Giovanni Unterweger che nen complësc 90 ai 26
Oliva Pedevilla che nen complësc 91 ai 29
Sepl Zingerle (Tor) che nen complësc 84 ai 30

a Lungiarü suor Sofia Clara che nen complësc 87 ai 3



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



www.valbadiaonline.it/comunita

26.06. - 03.07.22 nr. 31

ultimo termo por comunicaziuns: jöbia, dales 20.00

FESTA DL CÖR DE GEJÚ - C

Vangele do Lüca 15,3-7

Te chël tēmp ti à Gejú cuntè ai farisês y ai studià dla lege na parabola y à dit: Sce un de os à cënt bisces y nen perd öna, ne lāscel nia les nonantenü tla stēpa y ti va do ala pordüda cina ch'al la ciafa?

Y canch'al l'à ciafada, la tôlel plëgn de ligrëza sön sües sciabes, y canch'al röia a ciasa, chërdel adöm sü amisc y sü vijins y ti dij:

Ralegrësse cun mè; i à indô
ciafè mia biscia che ê pordüda.


I ves diji: Insciö regnaral incé
tl cil deplü ligrëza por un
n picíadù su che dà ota,
co por nonantenü iüsc, che
n'à nia debojëgn de dè ota.



*La noela dla misericordia de Chël Bel Dî
vëgn ma dai picíadus capida sciöche "buna noela".
I farisês y i studià dla lege minâ da ester porsones indertöra,
ai é credënc y se tignî ala lege.
Mo ai se dessenâ cun Gejú por gauja de so insegnamënt
y por so comportamënt defrunt ai picíadus.*

*Messunse diventé picíadus por esperimënté
y por capí la misericordia de Dî?
I n'un nia bria da diventé picíadus,
al basta ch'i unse na idea dla santité de Chël Bel Dî,
por savëi tan pici y tan dalunc ch'i sun da d'ël
y por capí la grandëza dla misericordia
che nes vëgn adincuntra tl cör de Gejú.*

Schott

EDEMA	SAN MARTIN	LUNGIARÜ	CONSACRAZIUN AL CÖR DE GEJÚ
26.06.22 FESTA DL CÖR DE GEJÚ	9.00 Adoraziun al Cör de Gejú 9.30 Mëssa solëna dla Comunité en onú dl Cör de Gejú cun consacraziun a Santa Maria, Uma dla Dlijia dl ann + Maria Costalunga + Angelina Vanzi Baldissera Prozesciun eucaristica	7.50 Adoraziun 1^a pert 8.15 Mëssa solëna en onú dl Cör de Gejú cun consacraziun dedô Adoraziun 2^a pert 15.00 Corona tla capela de S.Ojöp Fr.	Dal profet Ieremia 32,33 <i>Insciö dij le Signur: Chësta sará l'alianza, ch'i stlùji jö cun os: I mëti mia lege te os y la scree sö te osc cör. Iö sará osc Dî, y os sarëis mi popul.</i>
27.06.22 Lönesc Hemma da Gurk, Ziril			
28.06.22 Dedolönesc Ireneus, Vinzenzia	19.00 Mëssa + + Perpetua y Angelina + + Monica y Tone Tolpeit		
29.06.22 Dedemesaledema Apostui Pire y Paul		7.30 Mëssa en onú di apostui Pire y Paul dl ann + Agostin Daporta + Pire Mischi, Pecëi	Signur Gejú Crist, por to amur ala jënt este diventé porsona umana. Te döt cant, ater co tl picé, aste partí cun nos la vita. Mantignin tüa fedelté tl amur cina ala mort, aste despaie jö cun tüa crusc y pasciun nosta colpa. To cör davert é la fontana da chëra ch'al rogor le sanch dl'alianza nöia y l'ega dla vita. A te s'á afidé nüsc peri y tö i as delibré da de gran tribulaziuns. Porchël gnunse plëgns de confidënza da te y te periun: Oj to amur ince sön nos. Dásse la forza da se tigní a tüa alianza che nes liëia a te. Benedësc nos, nostes families y nosta tera. Renfórzesse söl tru dl bëgn y dëidesse scombate le mal. Fá ch'i podunse te sorví tla iustizia y tla pesc. Dásse to Spirit ch'i laurunse y mantignunse do tüa orenté la tera che te nes as scinché por patria, ch'i viunse tla fede y ch'i la dunse inant sciöche arpejun preziosa a nüsc descendënc. Do chësc te periunse por l'amur de to cör, a chël ch'i s'afidun sëgn y por l'eternité. Amen.
30.06.22 Jöbia Pröms Martiri da Roma	7.30 Mëssa + Carlina Perathoner + + Paul Moling y Alfred Zingerle Corona por vocaziuns		
01.07.22 Pröm vëndres Sanch de Gejú, Ester	domisdé: Provijiun di amará 18.30 Adoraziun chita 19.00 Mëssa en onú dl Sanch de Gejú + + Fonjo y Milia Zingerle + Ida Dariz	7.30 Mëssa en onú de Sant Antone por i defunc de Giorgio Dariz danmisdé: Provijiun di amará	
02.07.22 Sabeda Vijita de Maria a Elisabeta, Eugenia	20.00 Mëssa prefestia + + Maria Dapunt y Otto Erlacher + + Eusebio y Angela Nagler	18.30 Mëssa prefestia de reng. de fam. Berto y Lidwina Clara + Angelina Vanzi Baldissera + Gottfried Declara + + Franz y Zilia Pezzei, Ghestan	
03.07.22 14^a Domënia ia por l'ann C	9.00 Corona por vocaziuns 9.30 Gran Mëssa por la Comunité en onú de Sant Antone + + siur Angel M. y siur Merch Gr. Benedisciun dl tēmp	7.50 Corona 8.15 Gran Mëssa por la comunité en onú de Sant Ojöp Frëinadamez Benedisciun dl tēmp 15.00 Corona tla capela de S.Ojöp Fr.	